

JAVNA USTANOVA CENTAR ZA SOCIJALNI RAD TEŠANJ

OSNOVNI PODACI

UPRAVA

Direktor	Sabrija Kavazović	od	20.05.2013.godine.
----------	-------------------	----	--------------------

PRAVNA REGULATIVA

Centar za socijalni rad Tešanj je javna ustanova koja ima zadatak da obavlja sve poslove socijalne, dječije i porodične zaštite i druge djelatnosti utvrđene Zakonom, čiji cilj nije ostvarivanje dobiti, već javni interes. Centar za socijalni rad Tešanj osnovan je 1982. godine, kao izraz nastalih potreba i zahtjeva da se stručno, sistemski, organizovano i planirano rješava problematika iz oblasti socijalne, dječije i porodične zaštite stanovništva na području općine Tešanj. Od perioda pa do danas Centar je prošao niz transformacija u skladu sa odlukama nadležnih organa.

Centar ima svojstvo pravnog lica u prometu sa trećim licima, prava, obaveze i odgovornosti određene su Zakonom o ustanovama /»Sl.list RBIH br.6/92,8/93 i 13/94«/, a radnici Centra ostvaruju sva prava, obaveze i imaju odgovornosti koje imaju radnici u Javnoj ustanovi, poštujući sve odluke Osnivača.

Djelatnost JU Centra za socijalni rad Tešanj je socijalna zaštita, zaštita porodice sa djecom, i zaštita ČŽR, a njihovo obavljanje je regulisano:

- Federalnim Zakonom o osnovama socijalne zaštite, zaštite civilnih žrtava rata i zaštite porodice sa djecom, („Sl.novine FBiH“, br.36/99,54/04 ,39/06,31/08 i 14/09),
- Zakonom o socijalnoj zaštiti, zaštiti civilnih žrtava rata i zaštiti porodice sa djecom („Sl.novine ZE-DO Kantona“, br.13/07),Izmjene zakona o socijalnoj zaštiti Ze-do kantona od 29.09.2011.godine)
- Porodičnim zakonom Federacije BiH, („Sl.novine FBiH“, broj:35/05).

Akti Centra:

- Pravila JU Centra za socijalni rad Tešanj (broj:01-35-239/04 Od 11.10.2004.godine),
- Pravilnik o radu, (Odluka o izmjeni i dopuni Pravilnika o radu, broj:01-34-203/10 od 27.04.2010.g., Odluka o izmjeni i dopuni Pravilnika o radu broj: 01-34-422/10 od 31.08.2010.g. i Odluka o izmjeni i dopuni Pravilnika o radu, broj:01-34-570/10 od 16.12.2010.g.),
- Pravilnik o unutrašnjoj organizaciji i sistematizaciji poslova i radnih zadataka JU Centra za socijalni rad Tešanj, broj: 01-34-125/09 od 17.03.2009.godine, (Odluka o izmjeni i dopuni Pravilnika, broj: 01-34-569/10 od 16.12.2010.g.i Odluka o izmjeni i dopuni Pravilnika, broj:01-34-426/14 od 24.12.2014.g.)
- Pravilnik o finansijskom poslovanju JU Centra za socijalni rad Tešanj (broj: 01-34-79/01 od 23.02.2001.godine).
- Upustvo o načinu vršenja kancelarijskog poslovanja u JU Centar za socijalni rad Tešanj (broj:08-35-209/05 od 14.06.2005.godine).
- Lista kategorija registraturnog materijala s rokovima čuvanja br.02-48-251/15 od dana 15.07.2015.godine.
- Pravilnik o kriterijima provodjenja oglasne procedure za prijem zaposlenika u JU CSR Tešanj br.01-35-176/12 od 19.04.2012.godine.

Pored navedenih propisa, Centar u rješavanju određenih pitanja primjenjuje i druge, kao što su: Zakon o upravnom postupku, („Sl.novine FBiH“, broj:2/98) Zakon o zaštiti od nasilja u porodici, („Sl.novine FBiH“, br:22/05), Zakon o izmjenama Zakona o zaštiti nasilja u porodici (Sl.novine Federacije broj 51/06), Krivični Zakon, („Sl.novine FBiH“, broj:36/03) Zakon o izvršenju krivičnih sankcija, („Sl.novine FBiH“, br:44/98), Zakon o ličnom imenu, („Sl.list BiH“,br.35/71,38/86,37/88 i 33/90), Zakon o zaštiti osoba sa duševnim smetnjama, („Sl.novine FBiH“, br:37/01), Zakon o ličnom imenu. Naravno, Centar se u izvršavanju svojih, zakonom utvrđenih obaveza pridržava i odgovarajućih konvencija, kao što su: Konvencija o osnovnim ljudskim pravima, Konvencija o pravima djeteta, Konvencija o ostvarivanju alimentacionih prava u inostranstvu i dr. prema zakonskim odredbama.

Najznačajniji poslovi Centra su:

- Rješavanje zahtjeva za ostvarivanje prava u oblasti socijalne i dječije zaštite u prvostepenom postupku;

- Rješavanje zahtjeva za ostvarivanje prava u oblasti zaštite porodice sa djecom;
- Neposredno pružanje usluga socijalnog i drugog stručnog rada, savjetodavnih usluga i stručne pomoći pojedincima i porodicama;
- Pripremanje i provođenje odgovarajućih oblika i mjera socijalne i porodično-prave zaštite;
- Otkrivanje i praćenje socijalnih potreba građana u cilju preduzimanja adekvatnih mjera njihove zaštite;
- Razvoj i unapređenje preventivnih aktivnosti koje doprinose sprječavanju i suzbijanju socijalnih problema zajedno sa drugim vladinim i nevladinim organizacijama;
- Vođenje evidencije i dokumentacije o korisnicima i realizovanim oblicima i mjerama njihove zaštite;
- Djelatnost pomoći za žrtve elementarnih nepogoda, nesreća, izbjelgice, emigranti i td. Uključujući njihov privremeni ili stalni smještaj;
- Poslovi starateljstva
- Vođenje postupka u vezi sa kategorizacijom lica ometenih u fizičkom ili psihičkom razvoju, stara se o rehabilitaciji i zaštiti ove kategorije djece;
- Pružanje zaštite djeci bez roditeljskog staranja radi njihovog uspješnog zbrinjavanja, vaspitanja, obrazovanja i pripremanja za život i rad;
- Posredovanje pri razvodu braka
- Obrada i davanje mišljenja sudovima u brakorazvodnim parnicama, davanje mišljenja za sklapanje braka maloljetnih lica, posvojenju i izražavanju djece i drugi upravno pravni poslovi iz oblasti porodičnog i krivičnog prava, koji su Zakonom ili drugim propisima stavljani u nadležnost.

U periodu tranzicije, u politici socijalne zaštite naglašen je problem zaštite najugroženijih grupa stanovništva (penzioneri, nezaposleni i drugi), koji u znatnom broju pomoć društvene zajednice traže preko ovog Centra.

HISTORIJA

Na osnovu Odluke Skupštine Samoupravne interesne zajednice socijalne i dječije zaštite Tešanj o osnivanju Centra za socijalni rad u Tešnju (broj: 02-530-35/82 od 18.03.1982. godine) Sud udruženog rada Doboju izvršio je 07.04.1982.godine registraciju Radne organizacije Centar za socijalni rad Tešanj (broj:U/I-101/82).

Odlukom Prijelaznog općinskog vijeća od 06.03.1996.godine obnovljen je rad Centra koji od tog momenta, formalno, egzistira kao Javna ustanova Centar za socijalni rad Tešanj, sa istovjetnim djelatnostima kao i prije 1992. godine, s tim da Obdanište nije stavljeno u funkciju.

KAPITAL

Nekretnine u vlasništvu JU Centra za socijalni rad Tešanj su:

- Zemljište i zgrada Centra u Zvečaju, (radi se o starom objektu, koji je u više navrata adaptiran),
- Zemljište naslijeđeno ugovorom o doživotnom izdržavanju štićenika Centra (Behija Subašić u Logobarama, i Marica Jovanović- Kotlanice). Zemljište Marice Jovanović bez naknade dato na korištenje, a zbog održavanja istog,
- Zemljište u Rosuljama naslijeđeno ugovorom o doživotnom izdržavanju sa Nesterović Milkom iz Rosulja,
- Socijalno naselje (šest kuća) izgrađeno na zemljištu naslijeđenom iza smrti Behije Subašić u Logobarama. U kućama je smješteno šest porodica iz kategorija o kojima se stara ova Ustanova. U 2013.godini u naselju „Logobare“ vršena je adaptacija na dvije kuće.
- Zemljište i kuća u Dž.Planjama u kojoj je nastanjena Ema Turkeš (korisnica stalne novčane pomoći).

Starost i vrijednost nekretnina iskazana je u knjigama osnovnih sredstava. Dio nekretnina - zemljišta iskorišten je u razvoj dodatnih oblika socijalne zaštite, odnosno izgradnju socijalnog naselja i rješavanje stambene problematike štićenika Centra za socijalni rad. **Uvid u vrijednost kapitala može se izvršiti kroz obrazac BS, PR i druge obrasce u prilogu.**

UPRAVNI ODBOR

Rješenjem Općinskog Načelnika (broj: 02-34-5-914/12 od 24.09.2012.godine) imenovan je Upravni odbor JU Centar za socijalni rad Tešanj u sastavu:

- Sakib Kurtić , predsjednik
- Refija Kantić, član
- Eminagić Nedžida, član iz reda zaposlenih

Rad Upravnog odbora odvijao se u okviru nadležnosti koje su regulisane zakonima i podzakonskim aktima

Centra (Pravilima Ustanove, te drugim pravilnicima).

Upravni odbor je u protekloj 2015. godini održao ukupno 4 sjednice, na kojima je kontinuirano razmatrana problematika u vezi sa ostvarivanjem djelatnosti koje je Centru propisalo Općinsko vijeće, kao i sa statusnim i egzistencijalnim problemima Centra. Mjesečni iznos naknade za predsjednika i dva člana Upravnog odbora iznosi bruto 763,73 KM, odnosno ukupno u neto iznosu 620,00 KM.

Od značajnijih Odluka i Zaključaka koje je u 2015. godini Upravni odbor JU Centra za socijalni rad Tešanj donio jesu:

- Zaključak o usvajanju Izvještaja o radu JU CSR Tešanj za 2014. godinu,
- Zaključak o usvajanju Izvještaja o izvršenju plana prihoda i izdataka JU CSR Tešanj za 2014. godinu,
- Zaključak o usvajanju Plana prihoda i izdataka JU CSR Tešanj za 2015. godinu,
- Interni pravilnik o postupku direktnog sporazuma, od 19.02.2015. godine,

IZJAVA O MISIJI

Centar za socijalni rad Tešanj je javna ustanova od posebnog društvenog interesa u provedbi socijalne, dječije i porodične zaštite na federalnoj, kantonalnoj i lokalnoj razini, koja svojom organizacijom rada i kontinuiranim poboljšanjem socijalnih usluga zadovoljava potrebe krajnjeg korisnika.

IZJAVA O VIZIJI

Moderna javna ustanova koja uz savremene tehnologije, informatizaciju, kontinuirano usavršavanje stručnih radnika primjenjuje kvalitetne metode stručnog rada uvažavajući pozitivne resurse korisnika sa ciljem otklanjanja nepovoljnih okolnosti u što kraćem vremenu.

DUGOROČNI CILJEVI (DO 3 GODINA)

- Osnažiti i unaprijediti nivo socijalne sigurnosti građana Općine Tešanj kroz jačanje lokalnog sistema socijalne zaštite
 1. Unaprijediti uvjete za efikasniji rad i kvalitetnije usluge CSR
 2. Povećati učešće korisnika u planiranju mjera socijalne zaštite
- Unaprijediti zaštitu socijalnih prava, kvalitet i obim usluga za osjetljive društvene grupe građana
 1. Poboljšati kvalitet življenja za starija lica u stanju socijalne potrebe
 2. Poboljšati zaštitu prava i kvalitet usluga za osobe s posebnim potrebama, osobe s invaliditetom i njihove obitelji
 3. Osigurati bolju i sigurniju budućnost za djecu i mlade koji se nalaze u stanju socijalne potrebe
 4. Podrška uspostavljanju funkcionalne porodice i smanjenju broja disfunkcionalnih porodica

STRATEGIJE ZA DOSTIZANJE CILJEVA

- Dostizanje zadovoljavajućeg statusa Centra u finansijskom i materijalnom smislu, uz podršku Osnivača i Ministarstva za rad i socijalnu politiku ZDK-a, kako bi Ustanova mogla odgovoriti postavljenim ciljevima.
- Iznalaženje dodatnih sredstava apliciranjem sa različitim projektima prema nevladinom sektoru.
- Racionalno raspoređivanje finansijskih sredstava.

UPOSLENI

U izvještajnoj godini u JU CSR Tešanj radilo je 11 zaposlenika čiji je radni odnos zasnovan ugovorom o radu na neodređen period i 1. zaposlenik čiji je radni odnos zasnovan ugovorom o radu na određen period a kako slijedi :

Socijalni radnik	3	(2 VSS, 1 radnik radni odnos na određ. i jedan na neodređeno radno vrijeme, 1 VŠS)
Pravnik	2	VSS
Referent maloljetničke delikvencije	1	VSS
Administrativno osoblje	4	(3 SSS, 1 VSS -direktor.dipl.soc radnik)

Ostali 1

Ukupno: 11

Pored uposlenika u 2015.godini u CSR su radili:

Socijalni pedagog u svojstvu volontera 1

Dipl.socijalni radnik u svojstvu pripravnika 1

U odnosu na prethodne godine obim i složenost poslova i zadataka koji su stavljeni u nadležnost Centra se višestruko uvećao, što je odraz ekonomske krize i velike nezaposlenosti, te je neophodno ovu ustanovu ojačati ljudskim resursima kao bi se adekvatno odgovorilo postavljenim zadacima i obavezama.

PRIMANJA

Naziv reda	Prethodni	Sadašnji
Broj zaposlenih	11(1pripravnik+ 2volontera)	11 (1 pripravnik +1 volonter)
Prosječna neto plata	986,68	1.043,16
Prosječna bruto plata	1.429,97	1.511,83
Ostalo /		
topli obrok po danu,	8,00	8,00
Prevoz po mjesecu, prosjek	513,95	580,11
regres	420,00	420,00
Prosječna ukupna primanja po radniku	1.951,92	2.193,83
Posljednja maksimalna plata	1.624,75	1.835,61
Posljednja minimalna plata	556,26	647,77

FINANSIJSKI IZVJEŠTAJI

BILANS USPJEHA

	Naziv reda	Prethodni	Sadašnji
1	Neto prihod od usluga (prodaje)		
2	Troškovi roba, materijala i usluga		
3	Troškovi rada		
4	Amortizacija		
5	Ostali troškovi poslovanja		
6	Dobit ili gubitak iz poslovanja		=1-(2+3+4+5)
7	Prihod od kamata ili drugog načina finansiranja	3.119.401,00	2.940.532,00
8	Troškovi od kamata i drugi troškovi finansiranja	3.105.304,00	2.927.144,00
9	Dobit ili gubitak iz redovnog poslovanja	14.097,00	=6+7-8 13.388,00
10	Vanredni prihodi		
11	Vanredni troškovi		
12	Ukupna dobit ili gubitak		=9+10-11
13	Porez na dobit		
14	Neto dobit		=12-13

BILANS STANJA

PASIVA		AKTIVA	
Kapital	119.058,00	Materijalna imovina	119.058,00
Osnovni kapital			
Izvori stalnih sredstava:			
-oprema	13.760,00	-oprema	13.760,00
-zemlj. C.Zvečaj 1047m2	95,00	-zemlj. C.Zvečaj 1047 m2	95,00
-zemlj.Raduša J.M. 23.881m2			43,00
-zemlj.N.S. Log. S.B. 8857 m2	43,00	-zemlj.Raduša J.M. 23.881 m2	35,00
	35,00		3,00

-zemlj.Dž.Planje 80 m2	3,00	-zemlj.N.S. Log. S.B.	-
-Zemlj.Rosulje 4858 m2	-	8857 m2	10.322,00
-zgrada Centra i rek.grija.	10.322,00	-zemlj.Dž.Planje 80	94.800,00
-soc.naselje (6 kuća x ,5x 7,5)	94.800,00	m2	
		-Zemlj.Rosulje	
		4858m2	
		-zgrada Centra i	
		rek.grija.	
		-soc.naselje (6 kuća	
		x4,5x 7,5)	
Preneseni dobit/gubitak	13.388	Dugotrajna finansijska	
		ulaganja	
Revalorizacijski ispravak			
kapitala			
Zadržana dobit/gubitak		Kratkotrajna	
		imovina	
Obaveze		Zalihe	
Dugoročne obaveze iz		Kratkotrajna	300,00
finansiranja		potraživanja iz	
		poslovanja	
Kratkoročne obaveze iz	18.732,00	Kratkotrajna	
poslovanja		finansijska	
		ulaganja	
Kratkoročne obaveze iz		Gotovina	31.820,00
finansiranja			
Ukupna pasiva	151.178,00	Ukupna aktiva	151.178,00

IZVJEŠTAJ O NOVČANOM TOKU NA DAN 01.01. DO 31.12. 2015 (U X1.000 KM)

	Naziv reda	Prethodni	Sadašnji
1	Novac i novčano kvivalenti na početku perioda		
2	Primici iz poslovanja		
3	Dobit prije oporezivanja		
4	Smanjenje zaliha		
5	Smanjenje potraživanja i plaćenih troškova budućeg poslovanja		
6	Izdaci iz poslovanja		
7	Porez na dobit		
8	Smanjenje obaveza iz poslovanja i odgođenog plaćanja troškova		
9	Neto novčani tok iz poslovanja		
10	Primici iz investicijskih aktivnosti		
11	Smanjenje materijalne imovine		
12	Smanjenje dugotrajne finansijske imovine		
13	Smanjenje kratkotrajne finansijske imovine		
14	Izdaci iz investicijskih kativnosti		
15	Neto tok iz investicijskih aktivnosti		
16	Primici iz finansiranja	3169	2.984
17	Povećanje kapitala		
18	Povećanje kratkoročnih finansijskih obaveza	3169	2.984
19	Izdaci iz finansiranja	3113	3113
20	Smanjenje kratkoročnih finansijskih obaveza	3113	2979
21	Neto tok iz finansiranja	92	36
22	Novac i novčani ekvivalenti na kraju razdoblja	36	31

DRUGI POKAZATELJI O RADU

Obzirom da je djelatnost JU Centra za socijalni rad veoma složena i specifična, te da je njena djelatnost regulisana sa preko 150 Zakona , podzakonskih akata i instrukcija o postupanju, kroz dole navedenu tabelu bit će prikazani samo osnovni pokazatelji koji su detaljnije opisani u Izvještaju o radu za 2015.godinu.

Tabela 1. Pregled broja korisnika i usluga socijalne zaštite za 2014. i 2015. godinu, CSR Tešanj

		2014.godine	2015.godine
1.	Stalna novčana pomoć (trenutno)	112	113
2.	Lične invalidnine (neratni invalidi)	845	936
3.	Djeca bez roditeljskog staranja - smještaj u drugu porodicu	8	3
4.	Smještaj u ustanove socijalne zaštite (djeca i odrasli)	27	21
5.	Jednokratne novčane pomoći (Općina i Kanton) ,subvencija za ogrijev ,donacije	2.453	2.211
6.	Korisnici prava na zdravstvenu zaštitu	921	742
7.	Naknade civilnim žrtvama rata (porodična i lična)	145	142
8	Naknada umjesto plaće ženi-majci koja je u radnom odnosu	170	188
9	Jednokratna pomoć ženi - majci koja nije u radnom odnosu prema prehrana novorođenog djeteta do 6.mjeseci starosti	135	112
10.	Stimulativne demografske mjere (JNP za rođenje 3,4 I dalje djece) prošireno pravo	55	49
11.	Poboljšanje uslova za srednje obrazovanje učenika (stipendije) prošireno pravo	60	60
	Usluge socijalnog i drugog stručnog rada	8960	9.524
13.	Novčana naknada za pomoć I njegu od strane drugog lica	129	121
	Dodatak na djecu	1.943	1.737
	U K U P N O	15.963	15.959

Tabela 2. Pregled korisnika drugih usluga Centra za socijalni rad Tešanj

RB	OPIS	UKUPAN BROJ KORISNIKA	
		2014.godina	2015.godina
1.	Zaštita braka i porodice (posredovanje pri razvodu braka , konflikta u braku,učestovanje u sudskim postupcima, sl.)	285	347
2.	Stalno starateljstvo i starateljstvo za posebne slučajeve	39	32
3.	Usvojenje (potpuno,nepotpuno)	-	-
4.	Djeca i omladina u sukobu sa zakonom, i neprilagodjenog ponašanja	54	35
5.	Zaštita žrtve nasilja	16	7
6.	Zaštita djece čiji je razvoj ometen porodičnim prilikama	344	356
7.	Zaštita lica sa društveno negativnim ponašanjem	29	23
8	Lica i porodice u stanju socijalne potrebe kojima je usljed posebnih okolnosti potreban odgovarajući oblik socijalne zaštite	1.213	1.317
9	Nadzor nad vršenjem roditeljskog staranja	21	12
10.	Stara lica bez porodičnog staranja	177	134
11.	Zaštita duševno oboljelih lica	13	14
	U K U P N O	2.191	2277

U 2015.godini broj korisnika socijalne zaštite i pruženih usluga stručnog socijalnog rada je uvećan u odnosu na prethodni period. Razlozi za ovo stanje su višestruki (ekonomska kriza,minimalne i neredovne naknade utvrđenih prava po osnovu zakona o socijalnoj zaštiti, nezaposlenost, minimalne penzije, plaće). Sveukupna ekonomska situacija je generator drugih socio-patoloških pojava koje su takođe stavljene u nadležnost ovoj ustanovi (poremećeni porodični odnosi, nasilje u porodici, alkoholizam, ovisnost, prosijačenje i dr.).

U skladu sa reformama socijalne zaštite kao i intenciji na smanjenju institucionalnog smještaja u Ustanove socijalne zaštite u izvještajnoj godini ostvareno je značajano smanjenje broja lica koja su koristila ovaj oblik zaštite. Pored navedenog značajno je smanjen i broj evidentiranog nasilja u porodici kao i djece riznog ponašanja što je rezultat dosljedne primjene novih zakonskih rješenja i smjernica o radu, kao i multisektoralnom pristupu ovim problemima.

U izvještajnoj godini prava utvrđena Zakonom o socijalnoj zaštiti, zaštiti civilnih žrtava rata i zaštiti porodice sa djecom koja se finansiraju iz Budžeta kantona od mjeseca aprila 2015 godine se redovno isplaćuju.

Tabela Pregled isplaćenih sredstava iz budžeta Kantona korisnicima socijalnih davanja u 2015.godini

Red. broj	NAZIV	ISPLATE U KM	PERIOD ISPLATE	BROJ NEISPL. MJESEC I	DUG KANTONA ZA 2015.g
1	Dječiji dodatak	672.829,65	Od 08 - 12/ 14 i 01 - 08/15	4	190.059,05
2	Smještaj dj.u drugu porodicu	8.809,20	Od 10 - 12/ 14 i 01 - 08/15	4	2.276,50
3	Porodilje u radnom odnosu	1.282.175,16	Od 10 - 12/ 14 i 01 - 09 /15	3	348.050,35
4	Nezaposlene porodilje	86.252,85	Od 10 - 12/ 14 i 01 - 08/ 15	4	25.545,20
5	Stalna socijalna pomoć	100.530,27	Od 09 - 12/ 14 i 01 - 08/ 15	4	34.326,30
6	Tuda pomoć i njega	136.631,95	Od 08 - 12/ 14 i 01 - 04/ 15	-	
	UKUPNO:	2.287.829,08			600.257,40

Po osnovu izmjena i dopuna Zakona o socijalnoj zaštiti, zaštiti civilnih žrtava rata i zaštiti porodica sa djecom ZE-DO kantona pravo na tuđu njegu i pomoć koje je finansirano iz budžeta kantona, prenešeno je na Federalni nivo što je u interesu korisnika jer su naknade po osnovu federalnog zakona uvećane , a isplate su redovne. Analizirajući gore navedene tabele a imajući u vidu da je Federalno Ministarstvo rada i socijalne politike od 1.05.2015.godine preuzelo finansiranje prava na tuđu njegu i pomoć vidno je da se dugovanja prema korisnicima u odnosu na 2014.godinu ni u 2015.godini nisu umanjila bez obzira na redovne isplate. Centar za socijalni rad pored gore navedenih poslova aktivno se uključuje i radi na realizaciji projekata kao što je **Dnevni boravak za djecu sa posebnim potrebama..**

Dnevni boravak za djecu i omladinu sa posebnim potrebama u 2015.godini funkcionisao je kao projekat JU Centra za socijalni rad Tešanj, a finansijski je podržan od strane osnivača sa 20.000 KM na godišnjem nivou.

Usluge iz Dnevnog boravka za djecu sa posebnim potrebama u izvještajnoj godini koristilo je 30 djece i mladih u kontinuitetu – tri puta sedmično, po šest sati. U 2015.godini (januar –avgust) u Dnevnom boravku realizirale su se aktivnosti iz projekta „Rani rast i podrška djeci sa invaliditetom „.Projektne aktivnosti (usluge) koristilo je 20 djece sa poteškoćama u razvoju starosne dobi do sedam godina života .Projekat „Rani rast i podrška djeci sa invaliditetom“ je nadogradnja postojećeg projekta Dnevnog boravka,- uključena su djeca mlađe životne dobi ,a u cjelosti je isfinansiran od strane Federalnog Ministarstva rada i socijalne politike.

Tokom 2015.godine na osnovu idejnog rješenja Rekonstrukcije i dogradnje dijela zgrade “Obdaniše” urađen je glavni projekat i projektna dokumentacija za objekat Dnevnog boravka djece i omladine s posebnim potrebama. te obezbijedena donatorska finansijska sredstva za realizaciju projekta. U maju mjesecu, a nakon predhodno definisanih odluka oko izvođača radova, nadzornog organa i dr. položen je kamen temeljac čime se zvanično obilježio početak građevinskih radova na objektu.

Pored građevinskih radova, istovremeno su se odvijale i druge aktivnosti s ciljem da se novoizgrađeni objekat stavi u funkciju, te da se riješi pravni status “Dnevnog boravka” koji pet godina funkcionise kao projekat. Osnovne dodatne aktivnosti su bile:

- iznalaženje donatorskih sredstava za opremanje i namještanje novoizgrađenog objekta (firma “Regeneracija”d.o.o Velika Kladaša, Mann Hummel Tešanj, te ostali donatori)
- iznalaženje najpovoljnijeg rješenja za regulisanje pravnog statusa Dnevnog boravka (izrada analize, pisane i usmene komunikacije sa Ministarstvom za rad i socijalnu politiku ZE-DO kantona, Kantonalnim Centrom za djecu i odrasla lica sa posebnim potrebama, i ostalim institucijama koje pružaju usluge dnevne brige o djeci sa poteškoćama u razvoju).
- Iznalaženje privremenog prostora za nastavak aktivnosti po projektu “Dnevni boravak” za vrijeme izvođenja građevinskih radova na starom objektu - (zgrada CKO Tešanj).

Na osnovu prethodnih komunikacija sa predstavnicima Ministarstva za rad i socijalnu politiku krajem godine Vlada ZE-DO kantona usvojila je prijedlog odluke da Dnevni boravak za djecu i omladinu s posebnim potrebama uđe u sastav Kantonalnog Centra za djecu i odrasla lica s posebnim potrebama kao poslovna jedinica. Realizirajući svoje programske zadatke Centar za socijalni rad Tešanj je u izvještajnoj godini koristio prostorije **Prihvatne stanice i disciplinskog Centra**.

Program prihvatne stanice obuhvata prihvat i kratkotrajan smještaj djece i omladine koja se nađu u skitnji, prosjačenju, ili drugim okolnostima za koje je neophodan **hitan** kratkoročan smještaj.

Prihvat i privremeni smještaj se obezbjeđuje za djecu i omladinu koja se nađu u skitnji u gradu, a dolaze sa područja grada, ili drugih gradova na području države BiH, ili su strani državljani, a privedu ih službenici organa unutrašnjih poslova. U 2015. godini za četvero djece koja su zatečena u prosjačenju i skitnji obezbijeđen je kratkoročni smještaj, te pružene usluge pratnje do mjesta prebivališta.

Obzirom na sveukupnu ekonomsku situaciju u našoj zemlji, gdje su socijalna davanja minimalna i neredovna, kao i težak položaj velikog broja djece i porodica, humanitarna pomoć zauzima značajan faktor za ublažavanje stanja socijalne potrebe djece i porodica.

Samim tim ulažu se vanredni naponi i zalaganja za ostvarivanje dalje saradnje sa humanitarnim organizacijama i privrednim subjektima. Shodno navedenom u 2015. godini nastavljena je saradnja i realizacija projekata sa dole navedenim NVO.

1. HO „Maltezer „ iz Njemačke

Saradnja sa HO „Maltezer“ nastavila se i u 2015. godini. Pored projekta “Kumstva” za osmero djece bez roditeljskog staranja, u izvještajnoj godini sa pomenutom organizacijom urađena su dva nova projekta :

- Adaptacija i nadogradnja kuće porodice Hojkurić Zijada s ciljem povratka djeteta iz ustanove socijalne zaštite u vlastitu porodicu. HO „Maltezer“ je u cijelosti finansirala ovaj projekat u iznosu od **6000 €**.
- Kupovina krava za dvije materijalno neobezbijeđene porodice u iznosu od **2.461 €**.

2. Human Appeal International

Sa ovom međunarodnom humanitarnom organizacijom CSR Tešanj ima već duže godina izuzetno dobru saradnju. U izvještajnoj godini posredstvom ove organizacije obezbijeđeni su prehranbeni ramazanski paketi za **150** domaćinstava i kurbansko meso za **200** porodica.

3. U izvještajnoj godini nastavljena je saradnja i sa općinom **Canyelles iz Španije**, a na realizaciji projekta pomoći porodicama koje se nalaze u stanju socijalne potrebe. Za ovaj projekat obezbijeđena su sredstva u iznosu od **3.860 KM**. Ovim oblikom zaštite obuhvaćene su **43** porodice koje se nalaze u stanju socijalne potrebe, a sa novčanim iznosima od 50 do 150 KM.

4. HO „Oslonac“

HU „Oslonac“ Tešanj, je jedna od izuzetno bitnih organizacija koje djeluju u oblasti socijalne zaštite. Svojim djelovanjem ova nevladina organizacija rješava stanbenu problematiku materijalno neobezbijeđenih porodica. U izvještajnoj godini ova organizacija je na području općine Tešanj izgradila tri kuće za materijalno nezbrinute porodice, a kod pet porodica je učestovala u adaptiranju i dogradnji stanbenog prostora.

5. OO Crveni polumjesec Tešanj

Sa navedenom organizacijom u izvještajnoj godini riješen je stanbeni problem za jedno invalidno lice (napravljena i namještena kuća), te riješeno vodosnadbijevanje, adaptacija i namještanje unutrašnjih prostorija kuće za samohranu majku šestero mlđ. djece sa poteškoćama u razvoju.

Pored saradnje sa NVO, ova ustanova takođe ima izuzetno dobro razvijenu mrežu saradnje sa privrednim subjektima, neformalnim grupama građana kao i sa pojedincima koji veoma često, a na prijedloge ove Ustanove pomažu porodice u stanju socijalne potrebe. Bitno je istaknuti da “HIFA OIL” već petu godinu svakodnevno finansira po jedan hljeb za 30 socijalno ugroženih porodica

OCJENA UPRAVNOG ODBORA I MJERE

JU Centar za socijalni rad je u cjelosti realizirala planirane zadatke u 2015. godini. To potvrđuju i izvještaji o radu ove ustanove koji su razmatrani na sjednici Upravnog odbora održanoj 15.2.2016. godine. U prilog ovome idu i zaključci Općinskog vijeća Tešanj utvrđeni prilikom razmatranja Informacije o radu javnih ustanova na području Općine. Također, valja naglasiti da se i građani, putem organiziranih anketa pohvalno izjašnjavaju o pružanju usluga Centra za socijalni rad korisnicima sredstava po bilo kom osnovu.

U ovoj ustanovi dosljedno se provode i poštuju zakonski propisi koji regulišu oblast socijalne zaštite, zaštite porodice sa djecom, zaštite civilnih žrtava rata i druga pitanja za koja je Centar za socijalni rad nadležan a

to je bio i temeljni princip na kojima se zasnivao rad i u 2015. godini.

U 2015. godini u potpunosti je profunkcionisao Dnevni boravak za djecu sa posebnim potrebama, što je umnogome poboljšalo stanje pružanja usluga djeci ove kategorije. Uslovi koji su stvoreni izgradnjom novog objekta za ove potrebe zadovoljavaju najveće standarde rada i pružanja usluga njihovim korisnicima. Organizacija rada, metod rukovođenja, stručni rad i višegodišnje radno iskustvo rukovodioca Centra i većeg broja neposrednih izvršilaca, posebno u oblasti socijalne i dječije zaštite, su, pored ostalog, osnovni činioci koji su uticali da se u okviru ove ustanove u 2015. godini, obezbijedi potreban stepen kvaliteta rada i funkcionisanja.

Discipliniran i odgovoran odnos uposlenika u Centru je osnovni činilac u realaizaciji planiranih i neplaniranih zadataka, koje je Centar za socijalni rad obavljao tokom 2015. godine. Upavni odbor ocjenjuje realizaciju planiranih zadataka u JU Centar za socijalni rad u 2015. godini vrlo uspješnom, a rad rukovodioca Centra, direktorice Sabrije Kavazović, ocjenjuje sa ocjenom *naročito se ističe*.

Mjere: U realizaciji postavljenih ciljeva i realizaciji redovnih zadataka koristiti iskustva stečena u ranijem period i u 2015. godini. Postignute rezultate nadgraditi u svim segmentima gdje postoje, kako objektivne tako i subjektivne okolnosti. Posebno u dijelu racionalnog korištenja finansijskih i materijalnih sredstava.